

ত্রিপুরা সরকার
তথ্য ও সংস্কৃতি অধিকার

স-৫১৪৩
কুমারঘাট, ১১ মার্চ, ২০২৪

পেঁচারডহরে শৃঙ্গেরি বালাজি মন্দিরের উদ্বোধন

বর্তমান দশক ভারতের বিশ্বগুরু হওয়ার প্রারম্ভিক যাত্রা শুরু হয়েছে : মুখ্যমন্ত্রী

শৃঙ্গেরি বালাজি মন্দির উদ্বোধন রাজ্যের জন্য আজ একটি শুভ দিন। বর্তমান দশক ভারতের বিশ্বগুরু হওয়ার প্রারম্ভিক যাত্রা শুরু হয়েছে। এই সময়ে প্রধানমন্ত্রী নরেন্দ্র মোদির নেতৃত্বে দেশ যে এগিয়ে যাচ্ছে এবং আমাদের হত গৌরব ফিরে পাচ্ছে। আজ উনকোটি জেলার পেঁচারডহরে শৃঙ্গেরি বালাজি মন্দির, শ্রী সারদামা মন্দির ও আদি শঙ্করাচারিয়া মন্দিরের উদ্বোধনী অনুষ্ঠানে মুখ্যমন্ত্রী প্রফেসর (ডাঃ) মানিক সাহা একথা বলেন। অনুষ্ঠানে মুখ্যমন্ত্রী প্রধান অতিথি হিসেবে উপস্থিত ছিলেন। তাছাড়াও মন্দিরের উদ্বোধনী অনুষ্ঠানে উপস্থিত ছিলেন নাগাল্যান্ডের রাজ্যপাল লা গণেশন।

অনুষ্ঠানে মুখ্যমন্ত্রী আরও বলেন, এই সময়ে ভারতে অনেক হিন্দু মন্দিরের দর্শনীয় স্থান সংস্কার ও বিকাশ করা হয়েছে। এর উদ্দেশ্যে শুধু ধর্মীয় ভাবাপনকে সুদৃঢ় করাই নয়, একে কেন্দ্র করে অর্থনৈতিক কার্যকলাপের সম্প্রসারণ করা। মুখ্যমন্ত্রী বলেন, শৃঙ্গেরি বালাজি মন্দির স্থাপনের সাথে সাথে তারা এখানে বিদ্যালয়ও স্থাপন করেছে। ভবিষ্যতে এই প্রতিষ্ঠান কলেজ ও হাসপাতাল তৈরি করারও পরিকল্পনা নিয়েছে। এটাই হলো উন্নয়ন।

মন্দিরের উদ্বোধনী অনুষ্ঠানে নাগাল্যান্ডের রাজ্যপাল লা গণেশন বলেন, ১৮০০ শতকের দার্শনিক আদি শঙ্করাচার্য সনাতন ধর্মের মূল ভাবনাকে পুনরুজ্জীবিত করেন এবং বেদান্তের চিরস্তন মূল্যবোধ প্রচার করেন। আদি শঙ্করাচার্য ঐক্যের বিষয়েও জোর দিয়েছেন। এই প্রতিষ্ঠানগুলি এখানকার গ্রামবাসী তথা যুব সম্পদায়ের জীবনে মহৎ মূল্যবোধের বীজ বপন করবে বলেও তিনি আশা প্রকাশ করেন। অনুষ্ঠানে তপশিলি জাতি কল্যাণমন্ত্রী সুধাংশু দাস বলেন, এই মন্দিরের দর্শনার্থীদের চলাচলের সুবিধার জন্য সরকার থেকে রাস্তার উন্নয়ন ও রাস্তায় বৈদ্যুতিক আলোর ব্যবস্থা করা হয়েছে। মন্দিরের উদ্বোধনী অনুষ্ঠানে উপস্থিত ছিলেন যুব বিষয়ক ও ক্রীড়ামন্ত্রী টিংকু রায় ও শৃঙ্গেরি সারদা বিদ্যামন্দিরের সচিব অধ্যাপক অমৃত কুমার ভট্টাচার্য, শ্রী শ্রী সারদা পীঠমের সিংহও এবং অ্যাডমিনিস্ট্রেটর পি এ মুরালি। স্বাগত বক্তব্য রাখেন সারদা পীঠমের মুখ্য উপদেষ্টা পদ্মশ্রী ভি আর গৌরীশঙ্কর। ধন্যবাদ জ্ঞাপন করেন ত্রিপুরা সরকারের বিশেষ সচিব অভিযোক চন্দ্রা।
